



**Oqaluuserisat  
Ileqquusumik ataatsimiinneq 05/2019**

**Ataatsimiinneq Qaqortumi ingerlanneqarpoq  
27. novembari 2019 nal. 09.00**

**OQALUUSERISASSANUT TAKUSSUTISSIAQ:**

- Imm. 1 Oqaluuserisassat akuerineqarnerat.
- Imm. 2 Borgmesterimit ilisimatitsissutit.
- Imm. 3 Aningaasaqarnikkut killiffik.
- Imm. 4 Kommunimut akiitsut killiffii.
- Imm. 5 Ilassutitut aningaasaliissutit, Narsarsuarmi aputaajaaneq.
- Imm. 6 Ingerlatsinermut kontuni missingersuutininik nikisitsinerit
- Imm. 7 Kommunip avataaniit kukkunersuisuisa nalunaarutaat nr. 32 aamma 33.
- Imm. 8 Narsami illuaqqat aasarsiortarfiillu pillugit kommunimut pilersaarummut ilassummi nr. 1-imi aalajangersakkanik allanngortitsineq.
- Imm. 9 2018-imi kommunip inissiaataanut naatsorsuutit.
- Imm. 10 Inissiaatileqatigiiffiup INI-p 2020-mi ineqarnermut akiliutip qaffaavigineqarnissaanut siunnersuutaa.
- Imm. 11 Kommunalbestyrelsimi ilaasortat siunnersuutaat pillugit nalunaarsuineq.
- Imm. 12 Susassaqarfinnut immikkut ittunut tunngatillugu aalajangersimasunik illersuisussanik/oaaseqartartussanik pilersitsisoqarnissaa pillugu kommunalbestyrelsimi ilaasortap Henrik Brummerstedtip siunnersuutaa.
- Imm. 13 Kommunalbestyrelsimi ilaasortap Josef Petersenip cykelertarfimmik, skaboardertarfimmik il.il. sanaartornissamut siunnersuutaa.
- Imm. 14 2020-mut missingersuutit aappassaaneerineqarnerat.
- Imm. 15 Kommunalbestyrelsip 2020-imi ataatsimiiffissaanut siunnersuutit.
- Imm. 16 Taasariaqartut allat.

**PEQATAASUT:**

**Atassut:** Kim Ezekiassen (Gerhardt Petersenimut sinniisutut)

**Inuit Ataqtigiit:** Asmus Hansen, Henrik Brummerstedt, Mouritz Karlsen, Naja Lund, Stine Egede

**Siumut:** Kiista P. Isaksen, Simon Simonsen, Manasse Semsen, Karla Egede Bisgaard, Monica Dorph, Benjamin Kielsen, Anders Olsen, Josef Petersen, Ánásse Kleist Karolussen (suppleant for Mari S. Abelsen)

**Peqataangitsut:** Mari S. Abelsen, Gerhardt Petersen

**Atorfilittat:** Pisortaaneq Kim Dahl, pisortaanerup tullia Carsten F. Hansen, aningaasaqarnermut pisortaq Kim Rosendahl, aningaasaqar-nikkut siunnersorti Claus Wæde Hansen

**Immikkut peqataatitat:**

**Oqalutsit:** Kelly Berthelsen, Najannguaq H. Petersen

**IMM. 1. OQALUSERISASSAT AKUERINEQARNERAT**

**Aalajangiineq: Akuersissutigineqarpoq.**

**IMM. 2. BORGMESTERIMIT ILISIMATITSISSUTIT**

- Ippassaammat temadag-eqarnermi kommunalbestyrelsip peqataaneranut qujavoq, tassani pinartoqartillugu piareersimasut kiisalu 2020-mut missingersuutitut missingiut sammi-neqarput.
- Nutaarsiassatut allakkiaq siunissami oqaluuserisassanut kakkiunneqartalissaaq.
- Oktobarimi qatserisartut 14-it missaaniittut Qatserisartutut ilinniarnertik naammassivaat.
- Kommunalbestyrelsip siuliani ataatsimiinnerata aqaguani borgermesteri nuummukarpoq Isumaginninnermut, Aatsitassanut kiisalu Attaveqaqtigiinnermut Naalakkersuisut ataatsi-meeqatiginiarlugit. Mittarfittaassaq kiisalu innarluutilinnut tunngasut pingaarnertut sammi-neqarput.

Imaqarniliaq  
Kommunalbestyrelse – ileqquusumik ataatsimiinneq 05/2019

- Oktobarip aallaqqaataani danmarkimut angalaneq ingerlanneqarpoq:
  - Tassunga tunngatillugu aningaasaateqarfiit uku ataatsimeeqqatigineqarput: Oak Foundation, LOA, Mærsk kiisalu Realdania.
  - Belgiamiut ambassadøriat danmarkimiittoq Leo Petters, maanga qaqortumut angalanermini borgmesterip tullissaani danmarkimukarpat pulaarnissaanut qaaquaa. Tamanna naamassineqarpoq tassanilu Leo Petters ambassadøritut suleqatini arfineq pingasut qaaqqusimavai. Kalaallit Nunaata kujataa annertuumik soqutigineqarpoq, mittarfittaassaq kiisalu aatsitasanut tunngasut qitiutinneqarput.
  - Danmarkimiinneq aamma isumassarsorluni angalanertut atorneqarpoq teknikkimut ataatsimiititaliap siulittaasua teknikkeqarfiullu pisortaa Aarhus-imut (Frederiksbergskolen, Dok1 aamma Brabrand-imi kommunip allaffittaava nutaaq) kiisalu Middelfart (kommuneqarfiup allaffia kiisalu Kulturøen-i alakkarpaat).
  - Jacob Bundsgaard Aarhus-imi borgmesterip ataatsimeeqqatiginera.
- Danmarkimut angalareernermi Narsami, Qaqortumi kiisalu Nanortalimmi allaffissornikkut sulisunut ataatsimiititsisoqarpoq: nalinginnaasumik attaveqaqatigiinnerunissaq kissaatigineqarpoq, tamanna pisortaanermit malinniarneqarpoq qaammatikkaartumik nutaarsiassiarnikkut.
- Aqutsisoqatigiit tamarmik septembarip naanerani Narsarsuarmi isumasioqatigiisitsinermit peqataapput, tassani periusissiat pingaartitat il.il. oqaluserineqarput. Ukiup nutaap aallartinnerani suliamut pisortanut assingusumik aaqquissuusisoqarnissaa sulissutigineqarpoq.
- Novembarip qeqqani nuummut angalasoqarpoq:
  - Politiit pisortaat ataatsimeeqqatigineqarpoq tassani siusinaartumik iliuuseqartarneq aamma kinguaassiutitigut atonerluineq pillugu pinaveersaartitsineq pingaarnertut sammineqarput, soorlu aamma ikiaroorartut pillugit ajornartorsiut eqqartorneqartoq. Taassuma malitsigisaanik kommunitisinni ilanngaaserisoqarnerup nukittorsarneqarnissaa pillugu kommunimiit Naalakkersuisunut saaffiginnissuteqartoqassaaq. Siunissami Kujallermi ukiumoortumik ataatsimiisitsisoqartarnissaa isumaqatigiissutigineqarpoq. Politiit pisortaata paasisutissiissutigaa akisussaaffimmini pinaveersaartitsinermit suliaqartussamik Qaqortumiit-tussamik atorfinittisimallutik.
  - LOA-mik ataatsimeeqateqarneq, tassani isumaqatigiissutigineqarpoq LOA ukiup nutaap aallartinnerani multihalanut kommuniniittunut tunngatillugu sukumiisumik ersarissumillu iliuuseqarniarlutik Kujallermukassasut.
  - Kalaallit Nunaanni Timersoqatigiit Kattuffiata ataatsimeersuartitsinerannut peqataaneq ”Nunarsuami nuna aalanerpaaq 2030”.
  - Telep pisortaanik ataatsimeeqateqarneq ingerlatseqatigiiffiup kommunillu akornanni suleqatigiinnermut tunngasumik, tamatumani kommunimi attaveqaatit pillugit ilaatigut sa-vaatilinnut il.il. Tele qaammatip tulliani Kujallermukassaaq.
  - Aningaasaqarnermut, Attaveqaqatigiinnermut kiisalu Isumaginnittoqarfimmut Naalakkersuisut ataatsimeeqatiginissai pilersaarutaagaluarput kisianni politikikkut inissisimaffiit tunngavigalugit ingerlanneqanngitsoorput, allakkatigullu saaffiginnissummik nassinneqarput.
  - Nuummi borgmesterit ataatsimoorlutik ataatsmiinnerat, tallimangorpat nangeqqinneqas-saaq.
  - ”New Arctic Kitchen”-suliniimmut pulaarneq, tassani puisit, tutut kiisalu umimmaat neqaa suliarineqarput, najukkami nerisassiat nutaamik atorneqarnissaat siunertaavoq. Assut pissanganarpoq immikkullu Kalaallit Nunaata Kujataanut iluaqutaasinnaalluni nunatta nerisassaateqarfiatut isigineqaratta, uagut Great Greenland, Neqi, Inuili, Niuernermik Ilinniarfik / Campus Kujalleq pigaarput taakkulu siunissami suleqatigineqarsinnaapput.

- Maligassiuisut pillugit aaqqissuussinermi Nanortalimmi Utoqqaat Illuat 2019-imi sulif-fitsialattut toqqarneqarpoq.
- Marina Anthonsen, Nanortalik, aammattaaq nersornaatavoq Nanortalimmi Tapartartu-aqqaat nammineq kajumissutini tunuliaqutaralugu pimoorussisimagami.
- Borgmesterip borgmesterillu allat sisamangorpat unnukkat Naalakkersuisoq Martha Abelsen oqarasuaatikkut ataatsimeeqatigissavaat.
- Novembarip 20-anni Nakuusap aaqqissuusinerani nuna tamakkerlugu katersuunnermi oqari-artuutit borgmesterimut tunniunneqarput. Oqariartuutit ingerlatsivinni politikikkullu oqal-lisigineqassapput.
- Unnuk taanna borgmesterip Aarhusvejimi Inissiaatileqatiginneersut ataatsimeeqatigai.
- Novembarip 21-anni filmi "Pilluarneq ersigiunnaarpara" takutinneqarmat aaqqissuussinermut borgmesteri peqataavoq. 2020-mi filmi Qaqortumi Nanortalimmilu takutinneqassasoq pilersaarutaavoq. Taamatuttaaq filmip KNR-TV-kkut takutinneqarnissaa suliniutigineqar-poq.
- Narsami meeqqeriviit katersugaasivillu pulaarneqarput.
- Tanbreezip suliniutaanut tunngatillugu IBA pillugu isumaqatigiinniarnit ingerlanneqale-rutterput.
- Manna tassaavoq ukioq manna ileqquusumik ataatsimiinnerit kingullersaat, kisianni decem-barimi immikkut ataatsimiittoqarnissaa pilersaarutaavoq, mittarfissaq pillugu kommunimut ilassutitut pilersaarut oqaluuserineqarnissaa peqqutigalugu.
- 1. Sapaatiuppat adventisiussaagut orpiillu ikinneqassallutik. Tamassi aaqqissuilluarnissas-sinnik kissaappassi. Decembarip ingerlanerani illoqarfinni tamani juullilernerani aaqqissuus-sinerit ingerlanneqassapput. Illoqarfinni pingasuusuni borgmesterip peqataanissaa piler-saarutaagaluarpoq, assigiinngitsullu peqqutaallutik tamanna pisinnaanngilaq. Ukiup ingerla-nerani aaqqissuussinernut taakkununga nammineq kajumissuseq tunngavigalugu akisus-saasuusimasut tamaasa qutsavigineqarnissaat innersuussutigineqarpoq. Innuttaasut, qinikkat, atorfilittat suleqataasullu juullisiorluarnissaannik kissaanneqarput.
- Benjamin Kielsenip nalunaarutigaa Siumut gruppiani Josef Petersen gruppimi siulit-taasunngorsimasoq.

**Aalajangerneq: Oqaaseqatigineqartut ilanngullugit akuersissutigineqarput.**

### **IMM. 3. ANINGAASAQARNIKKUT KILLIFFIK**

2019-imi oktobari ilanngullugu naatsorsuutit killiffii  
06.11.2019-ip aallartinnerani Kommune Kujalleri naatsorsuutit killiffii

Inatsisitigut tunngavii: Missingersuutinut Naatsorsuutinullu inatsimmi § 41 naapertorlugu

Aningaasartai: Ilanngussami nassuiarneqartutut ipput.

Pisortaanerit inassuteqaataat: Aningaasaqarneq pillugu saqqummiussaq tusaatissatut tiguneqassa-soq.

APA-p aalajangernera 12/2019: Tusaatissatut tiguneqarpoq.

**Aalajangerneq: Tusaatissatut tiguneqarpoq.**

**IMM. 4 KOMMUNIMUT AKIITSUT KILLIFFII**

Ulloq 04.11.2019-imi kommunip pisassai tamarmiusut ilisimatitsissutigineqarput kiisalu

- pisortat suliffeqarfiutaanni akiitsoqarnerpaat qulit
- qaammammusialinnit akunnermusialinnillu pisassat
- qinikkaniillu pisassat

Inatsisitigut tunngavii: Missingersuutitut Naatsorsuutinullu inatsimmi § 41 naapertorlugu

Aningaasatigut kingunissai:

Pisortaanerit inassuteqaataat: Tusaatissatut tiguneqassasoq.

APA-p aalajangenera 12/2019: Tusaatissatut tiguneqarpoq. Qimikkat akiitsullit allaffigineqas-sapput PBS-mut nalunaarnissaq kajumissaarutigalugu, peqqutigalugu qinikkat immikkut aki-sussaaffeqarmata.

**Aalajangerneq: Tusaatissatut tiguneqarpoq.**

**IMM. 5 - ILASSUTISSATUT ANINGAASALIISUTIT, NARSARSUARMI  
APUTAAJAANEQ**

Ingerlatsivik aningaasaqarnermut pisortamiit mailisivoq, matumani nunaqarfinnut aqutsisoqarfiup pisortaata allakkamini piffissami 2017-imiit 2018-imut Narsarsuarmi aputaajaasimanermut ilassuti-tut aningaasaliinissamik qinnuteqarluni.

Naak allakkatigut nukingisaarisogaraluartoq piffissami tassani nunaqarfinnut immikkoortortaqarfik akiligassiisummik allagarsisimanngilaq. Maannakkut allagarsisimasoqalerpoq, akiligassarlu 724.110 koruuniuvoq.

Teknikkimut Avatangiisinullu Ataatsimiititaliap ataatsimiinnerani 10-mi ataatsimiititaliaq aalajan-gerpoq suliaq nunaqarfinnut immikkoortortaqarfinnut utertinneqassasoq, matumanilu qinnuigi-neqarlutik naammaginartumik nalunaarusioqqullugit kiisalu ilassutitut aningaasaliinissamik qin-nuteqaammut immersueqqullugit.

Maili 2019-imi septembarip 28-anneersoq Mittarfeqarfiit teknikkimut pisortaanneersoq nalunaarus-iatut saqqummiunneqarpoq.

**Teknikkeqarnermut Ataatsimiititaliap Inassuteqaataa:**

Suliaq Aningaasaqarnermut Ataatsimiititamut Kommunalbestyrelsimullu ilisimatitsissutitut inger-lateqqinneqassasoq

Tullerriaarluakkamik suliamik saqqummiineq: Ilassutissatut qinnuteqaat akuerineqassaaq

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 23

Aningaasartai: Aningaasartuutissat 724.110,00 koruunit - tulliani kommunalbestyrelse ataatsimiil-  
erpat oqaluuserineqarnera nanginneqassaaq.

Pisortaanerit inassuteqaataat: Inassutigineqarpoq ilassutigut aningaasaliissutigineqassasut t. 350  
koruunit sinnerilu massakkut missingersuutaasut iluini nassaarineqassallutik.

APA 12/2019 aalajangiineq: Pisortaanerit ilassutitut aningaasalissutit 350 t. koruunit  
akuerineqarnissaannut inassuteqaataata akuerineqarnissaanik inassuteqaatitalerlugu kommunal-  
bestyrelsimut ingerlateqqinneqassaaq. 350. Aningaasat sinneri nunaqarfinnut immik-  
koortotaqarfiup maannakkut missingersuutaanit akilerneqassapput. Suliaq Naalackersuisumut Karl  
Frederik Danielsenimut oqaloqatigiissutigineqassaaq.

**Aalajangiineq: Akuersissutigineqarpoq.**

## **IMM. 6 - INGERLATSINERMUT KONTUNI NUUTSITSINEQ**

Atuarfeqarnermut, meeqqeriveqarnermut nutaaliornermullu ataatsimiititaliap oktobarip 21-anni  
2019-imi ataatsimiinnermini aalajangerpaa, kontunik torersaanermut atatillugu ingerlatsinermut  
aningaasarsianullu kontunit assigiinngitsunit aningaasat nuutsinneqassasut.

Missingersuutini nuutsitsinerit aningaasartuutaanngillat.

AMN - Aalajangiineq:

Akuerineqarpoq, taavalu Aningaasaqarnermut Pilersaarusiornermullu Ataatsimiititaliamut inger-  
lateqqinneqarluni.

Suliap saqqummiunneqarnera: Aningaasartuutaanngitsumik nuutsitsinissat akuerineqarnissaat.

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 23.

Aningaasartai: Aningaasartuutitut allannguutaanngitsoq.

Pisortaanerit inassuteqaataat: Akuerineqassasooq inassutigineqarpoq.

Aningaasaqarnermut Pilersaarusiornermut Ataatsimiititaliap 12-2019 aalajangernera:  
Akuerineqarnissaa inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

## **IMM. 7. BDO-P KUKKUNERSIUINERMINIT NALUNAARUSIAI NR. 32 AAMMA 33**

\* **Nalunaarut nr. 32** kiisalu nalunaarummut akissutissatut siunnersuut.

Imaqarniliaq  
Kommunalbestyrelse – ileqquusumik ataatsimiinneq 05/2019

2018-imut kommunit naatsorsuutaanni Namminersorlutik Oqartussani suliaqarfinnik kukkuner-  
ersiuneq - Ukiumut naatsorsuuseriffiusumut 2018-imut nalunaarut ilaannakortoq

Kommune Kujalleq – nalunaarusiaq nr. 33 septembarip naalernerani 2019 tiguneqarpoq

\* **Nalunaarut nr. 33** kiisalu nalunaarummut akissutissatut siunnersuut.  
Ukiumut naatsorsuuseriffiusumut 2018-imut inaarutaasumik nalunaarusiaq

Kommune Kujalleq – nalunaarusiaq nr. 33 septembarip naalernerani 2019 tiguneqarpoq

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 43

Aningaasatigut kingunissai: Soqanngilaq.

Pisortaanerit inassuteqaataat: kommunalbestyrelsimut kaammattuutitalerlugu ingerlateqqinneqassa-  
soq.

Aningaasaqarnermut Pilersaarusiortarnermut Ataatsimiititaliap 12-2019 aalajangerera:  
Akuerineqarnissaa inassutigalugu kommunalbestyrelsimut ingerlateqqinneqassaaq. Stine Egedep  
uparuarpa kommu- aqutsinikkut kukkuner- siuisarnissaaq pillugu sulis isorinnissutinik pisarmat.  
Allaffissornermi aqutsinikkut kukkuner- siuisarnerup sulis nukittorsarnissaa sulissutigineqarpoq, ilaa-  
tigut BDO'p kukkuner- siuiner- mi programmiata tulleriaarluakkamik atorneratigut.

**Aalajangiineq: Akuersissutigineqarpoq.**

**IMM. 8. NARSAMI ILLUAQQAT AASARSIORTARFILLU PILLUGIT KOMMUNIMUT  
PILERSAARUMMI NR. 1-IMI AALAJANGERSAKKANIK ALLANNGORTITSINEQ**

Kingullermik maajip 8-anni Teknikkimut Avatangiisinullu Ataatsimiititaliaq ataatsimiimmat inger-  
latsivik qinnuigineqarpoq 2017-imiit 2028-mut kommunimi pilersaarummut tunngatillugu kom-  
munimut pilersaarutit ilassutaa nr. 1-ip Narsap eqqaani illuaqqanut aasarsior- tarfinnullu tunngasoq  
kommunalbestyrelsimut inaarutaasumik akuerineqarnissaa siunertaralugu isumagineqassasoq, taa-  
maasilluni 2019-ip aasaaneraniit illuaqqiornissamik aallarnisaanissaaq periarfissaalerniassamat.

Taamaattorli paasinarsivoq kommunimut ilassutitut pilersaarut 2018-imi novembarip 28-anni  
kommunalbestyrelsimut oqallisigineqarlunilu naammassineqareersimasoq, inaarutaasumik  
akuerineqarsimasoq 2019-imilu januaarip 16-ianni tamanut ammasumik nalunaarutigineqarsimasoq.  
Illuaqqap angissusaa apeqqutaatinnagu nunaminertamik atugassiisoqarnissaa piunarsaatigi-  
neqarpoq. Kommunimut ilassutitut pilersaarut inaarutaasumik akuerisaq nunap ilaani pineqartuni  
illuaqqiornissamat qinnuteqaatinut aallartisaanissamullu tunngatillugu nunaminertanik atugassiinis-  
samut qinnuteqaatinik aallartisaanissamat maannakkut periarfissiilereerpoq.

Kommunimut ilassutitut pilersaarut utaqqiisaagallartumik aalajangersakkanik imaqarpoq,  
tamassumalu kinguneraa siunertamat nunaminertamik atugassiinnginnermi kommunalbestyrelsip  
illuaqqiornissamik qinnuteqartut ataasiakkaarlugit oqaluuserissallugit. Aalajangersakkami al-  
laqqavoq:



Imaqarniliaq  
Kommunalbestyrelse – ileqquusumik ataatsimiinneq 05/2019

-qupperneq 7 f): Sanaartukkat nutaat sissanit, kuunnit tatsillu sinaannit meterinit 100-nit qaninnerusumik inissinneqaqqusaanngillat, sumiiffimmili atukkat aallaavigalugit piukkunnaateqarneq apeqqutaatillugu, pissutsini immikkut ittuni piumasaqaat taanna allangortinneqarsinnaavoq. Kiisalu:

-qupperneq 7f): Kommunalbestyrelsip nunaminertamik atugassinneqarnissamut qinnuteqaatit ataasiakkaarlugit eqqartussavai, malittarisassallu atuuttut naapertorlugit sissamut kuunnullu ungasissusissamut piumasaqaatit nalilersussallugit.

Inatsisitigut tunngavik:

Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq

Pinngortitamik illersuineq pillugu Inatsisartut inatsisaat nr. 29, 18. december 2003-meersoq

Pissutsit atuuttut

Kommune Kujallermi illuaqqiornissamut soqutiginninneq annertuvoq, ingerlatsivillu nunaminertanut sinerissap qanittuani inissisimasunik qinnuteqaatinik arlariinnik isummerfigineqartussanik pilsarsisimavoq. Taammaattorli qinnuteqartut tamarmik sissamiit 100 meterimut qaffasitsigisumut illuaqqiornissamik kissaateqanngillat, atortuminnik assartuerujussuarnissartik umiatsiaaqqaminillu nakkutilliisinnaannginnertik peqqutigalugu. Qinnuteqartut kalaallit kulturiat naapertorlugu sissamut qanittumut illuaqqiorusupput.

Piujuartitsineq:

Nunaminertat illuaqqiorfissatut toqqakkat aamma kommunimut ilassutitut pilersaarummi aalajangersakkat kommunip piujuartitsinermut politikianut naapertuupput.

Aningaasaqarnikkut sulisoqarnikkullu naliliinerit

Ilasummi peqqissaartumik aalajangersakkat naleqqutinngitsut allangortinneqarneranni pisortaqarfimmuut tiimit atorneqartut eqqaassanngikkaanni kommunimut ilassutitut pilersaarutip nr. 1-ip allangortinneqarnera aningaasatigut annaasaqaataassanngilaq.

Allaffeqarfiup naliliinera:

Pisortaqarfik naliliivoq aalajangersakkat sukumiisut suliassanik ataasiakkaanik kommunalbestyrelsimut sullissinermik pilersitsisartut allangortittariaqartut. Taamatuttaaq ingerlatsivik naliliivoq sissamiit 100 meterinik ungasinnerpaaffissatut aalajangersagaq allangortinneqassasoq. Nunap ilaanut taakkununga tunngatillugu kommunimut ilassutitut pilersaarummik nutaamik tulluarsakkamillu suliaqarnikkut tamanna kommunalbestyrelsip allangortissinnaavaa.

Inassuteqaat

Inassuteqaatigineqarpoq qulaani aalajangersakkat eqqaaneqartut atorunnaarsinneqassasut taarsiullugulu Pilersaarusionermut Inatsimmut naapertuuttumut uku oqaatsit aalajangersakkallu ilanngunneqassasut:

Kommunimut ilassutitut pilersaarutip siunertaanut pingaarnertut aalajangersakkanut uku ilanngunneqassapput:

Imaqarniliaq  
Kommunalbestyrelse – ileqquusumik ataatsimiinneq 05/2019

-”Kommunimut ilassutitut pilersaarutip siunertaasa ilagaat innuttaasut illuaqqiornissamut amerlane-rusunik periarfississallugit”

-”Kommunimut ilassutitut pilersaarutip siunertaasa ilagaat takornarialerisut qanimut suleqatigalugit asimi takornarialerinermi periarfissat inerisassallugit”

Aalajangersakkani sukumiisuni ilanngunneqassapput:

-”Nunap ilaani illuaqqiorfissani 100 meterit ataallugit sissamut qaninnerusumi illuaqqiornissaq akuerineqarsinnaavoq, taamaallaat inissiinissami kuuit, tatsit tarajuusut tatsillu tarajornitsut ungasis-susissaannut piunasaqaatit sianigineqarsimappata”

Ilanngullugu inassutigineqarpoq suliaq kommunalbestyrelsip aggestusimi ataatsimiinnissaanut aku-erisassatut ingerlateqqinneqassasoq, tamannalu sioqqullugu borgmesteri aalajangeriissasoq, taa-maalilluni illuaqqiornissaq akuerineqarsimasoq utaqqineqartorlu 2019-imi aasartinnagu aallartinne-qassammat.

Teknikkimut Ataatsimiititaliaq - Aalajangiineq:

Akuerineqarpoq, taavalu Aningaasaqarnermut Pilersaarusiornermullu Ataatsimiititaliamut aamma Kommunalbestyrelsimut ingerlateqqinneqarluni

Kommune Kujallerimi illuaqqanut tamakkiisumik kommunimut pilersaarusiortoqassaaq - nammineq pigisanut inuussutissarsiornermullu attuumassutilinnut privat.

Suliap saqqummiunneqarnera:

Aningaasaqarnermut ataatsimiititaliaq kommunimut pilersaarutip allanngortinnissaanut naliliissaaq kommunalbestyrelsimullu inassuteqaammik ingerlatitseqqiissalluni.

Inatsisitigut tunngavigisaq: Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq

Pinngortitamik illersuineq pillugu Inatsisartut inatsisaat nr. 29, 18. december 2003-meersoq

Aningaasaqarneraq: Kommunimut pilersaarummut attuumassuteqarmat soqanngilaq.

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersaarusiornermut Ataatsimiititaliap 11-2019 aalajangernera: Akuerineqarnissaa inassutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

**IMM. 9. NAATSORSUUTIT 2018 – KOMMUNIP INISSIAATAI**

Teknikkimut Ataatsimiititaliap makku innersuussutigai:

*Suliap saqqummiunneqarnera*

Juulip qaammataani ingerlatsivik INI-miit kommunip inissiaataasa ukiumoortumik nalunaarsuiaannik allagarsivoq.

Inassuteqaat

Teknikkimut Avatangiisinullu Ataatsimiititaliamut inassutigineqarpoq:

- Ataatsimiititamit ukiumoortumik nalunaarsuiat akuersissutigineqassasut

*Ingerlariaqqinnissaq*

Immikkoortoq APA-mit akuerisassanngorlugu ingerlateqqinneqassasoq, kinguneratigullu ukiumoortumik nalunaarsuiat akuerineqarsimasut INI-imut passissutissiissutigalugit.

TU aalajangiineq: Akuerineqarpoq

Suliap saqqummiunneqarnera:

Aningaasaqarnermut Ataatsimiititaliap suliap tusaatissatut tigusinnaavaa inassummillu/ilisimatitsissummillu Kommunalbestyrelsimut ingerlatsitseqqiilluni.

Inatsisitigut tunngavigisaq: Missingersuutinut naatsorsuutinullu inatsit § 42 imm. 30

Aningaasaqarneq: soqanngilaq pequtugalugu INI A/S-imiit kommunip inissiaatai pillugit ilisimatitsissutaammat.

Pisortaanerit inassuteqaataat: Tusaatissatut tiguneqassasoq.

APA 11/2019 alajangiineq: naatsorsuutit tusaatissatut tiguneqarnissaat innersuussutigalugu kommunalbestyrelsimut ingerlateqqinneqassaaq.

**Aalajangiineq: Akuersissutigineqarpoq.**

### IMM. 10 – INISSIAATILEQATIGIIFFIUP INI-P 2020-MI INEQARNERMUT AKILIUTIP QAF-FAAVIGINEQARNISSAANUT SIUNNERSUUTAA

Inissiaatileqatigiiffiup INI-p 2020-mut missingersuutinut siunnersuutini nassiuppaa, matumani INI-p allakkiaa najoqqutaralugu inissiaqarfinni ataasiakkaani attartornermut akip qaffaassutissaata naatsorsornissaa misiliutigineqarsimalluni. Siunnersuusiata allaffeqarfimmit suliarineqareerput, matumuunalu missingersuusiap akuerineqarsinnaanissaanut politikikkut oqallisigisassanngorlugu saqqummiunneqarluni.

Innassuteqaat

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliap siulittaasuanut inassutigineqarpoq:

- missingersuutit Aningaasaqarnermut Ataatsimiititaliamut ingerlateqqinneqassasut, INI-p ineqarnermit akiliutit ataani qaffaavigineqarnissaannut siunnersuutaata akuerineqarnissaa innersuussutigalugu.

Imm. 21-101

2 %

Imm. 21.109

2 %

Imaqarniliaq  
Kommunalbestyrelse – ileqquusumik ataatsimiinneq 05/2019

Imm. 22-113	3,45%
Imm. 22-116	2 %
Imm. 22-125	2 %
Imm. 23-130	3,54%
Imm. 23-137	2%

- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

**Malugeqquneqarpoq ineqarnermut akiliutip qaffaavigineqarsinnaanera aatsaat 01.04.2020 aallartinneqarsinnaassammat.**

Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq, kapitali 4:

Suliamik naliliineq: Teknikkimut Avatangiisinullu Ingerlatsivik inissianut pilersaarut suliaraa politikkikkullu aamma saqqummiunneqareerluni.

Aamma aserfallatsaaligassat annertuut kinguaattooqqapput, taakkulu arlaatigut aningaasalersorneqassapput. Kiisalu kommuni inissiaataasa aserfallatsaalineqarnissaat qulakkeerneqassaaq. Taamaammat 2020-mi ineqarnermut akiliutip qaffaavigineqarnissaat Teknikkimut Avatangiisinullu Ingerlatsiviup inneruussutigaa.

Aningaasaqarnikkut isumalluutitigullu naliliinerit: Ilanngussami allaaserineqartutut.

Teknikkimut Ataatsimiititaliap aalajangernera: Ataatsimiititaliami siulittaasoq aalajangiisneqarpoq, saqqummiunneqartutullu qaffaanerup akuerineqarnissaa innersuusutigineqarluni.

Tullerriiaarluakkamik suliamik saqqummiineq: Ataatsimiititaliap ineqarnermut akiliutip qaffaavigineqarnissaa isummerfigissavaa matumani angaasartuutitut kalluunnaveersaarnissaaq siunertaralugu.

Inatsisitigut tunngavigisaq: Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq, kapitali 4, § 30.

Aningaasartai: Aningaasartuutitut allannguutaanngitsoq.

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Pilersarusiornermut Ataatsimiititaliap 12-2019 aalajangernera: Akuerineqarnissaa inassutigalugu kommunalbestyrelsimut ingerlateqqinneqassaaq.

**Aalajangiineq: Ineqarnermut akiliutip qaffaavigineqarnissaanut siunnersuut amerlanerussuteqartunit Siumukkormiusunit akuerineqarpoq, Atassutillu tusaatissatut tiguaa. Ineqarnermut akiliutip qaffaavigineqarnissaa Inuit Ataqatigiit akuerinngilaat.**

**PKT. 11. KOMMUNALBESTYRELSIMI ILAASORTAT SIUNNERSUUTAAT PILLUGIT NALUNAARSUINEQ.**

Kingullermik Kommunalbestyrelsip ataatsimiinneranai qullersaqarfik neriorsuivoq kommunalbestyrelsimi ilaasortat siunnersuutaat saqqummiunneqartut pillugit nalunaarsuiffimmik suliaqarniar-

luni, peqqutigalugu nalunaarsuutit siunnersuutigineqartunit sulii aningaasaliiffigineqanngitsunik aallaaveqarmata.

**A:**

**Qaqortumi ooqattaasarfik/eqqaasartarfik**

TAA 11-2018

Henrik B

Qaqortumi eqqaasartarfik misissorneqarsimavoq paasineqarporlu nunaminertamik atugassiinermut akuersissuteqartoqanngitsoq, teknikkeqarnermut avatangiisinullu ataatsimiititaliamut siulittaasup nunaminertamik nutaamik atorineqarsinnaasumik nassaartoqareerpat atuinissamut itigartitsinissani utaqqissunniarpaa. Eqqaasartarnissamut piffissamik aalajangersimasumik aaqqiisoqarnissaa misissorneqarpoq. Qaqortumi nunaminertat atorineqarsinnaasut paasinissaat kommunimullu pilersaarutip nalilersorneqaqqinnissaa utaqqineqarpoq.

**B:**

**Nanortalimmi RAL-ip tunuani angallatinut inissiivik.**

TAA11-2018

Henrik B.

Sumiiffimmi kommunip angallatinut inissiivissaanik sanasoqarnissaanut suliniartoqarnissaa akuerineqarpoq - Teknikkeqarnermut Avatangiisinullu Ataatsimiititaliap 10-2019-imi angallatinik containerinillu inissiinissamut malittarisassanik assigisaanillu aalajangersaasoqarnissaa akueraa.

**C:**

**Nunaqarfinni inissiat - pisortat inissiaataannik nuutsitsineq**

TAA 02-03-2019

Annassi K. aamma Mouritz K

INI- nassuiaat – kommunip iliuuseqartoqarnissaa utaqqivaa. – inissianut tunngasut tamarmik INI-p kommunillu ataatsimiissutigissavaat. Tassanngaanniit politikikkut eqqartorneqassaaq.

**D:**

**Illorsuarmik qilaannguusaasalittut ilusilimmik timersortarfiusussamik sananissamut siunnersuut**

TAA 02-FFL2020

- Josef P

FFL2020-mi Namminersorlutik Oqartussanut qinnutigineqarpoq.

**E:**

**Narsami illuutit isateriaannangulersut**

TAA 04

Karla E.B.

Kommunimi illunut/inissianut isateriaannangulersunut nalunaarsuisoqassaaq, allattorsimaffimmik sanasoqassaaq pilersaarusiortoqarlunilu.

**F:**

**Eqqagassalerinermut tunngatillugu nunaqarfinni pingasuni Narsamilu misiligutitut pilersaarut.**

TAA 04-2019

Josef P.

Namminersorlutik Oqartussanut qinnutigineqarpoq – utaqqineqarpoq.

**G**

**Narsami illoqarfiup immikkoortuisa akornanni aqquinnissamut siunnersuut**

TAA 06- 2019– Bentiaraq

2020-mut missingersuutini 3.350 mio. koruuninik Narsami illoqarfiup immikkoortuisa akornanni aqquusinnissamut qinnuteqartoqarpoq.

**H**

**Qaavamiit Nakkartarfimmut majuartarfiliornissamut siunnersuut**

TAA 06- 2019– Bentiaraq

2020-mut missingersuutinut majuartarfiliornissamut iluarsartuussinissamullu aningaasat 500.000 koruunit qinnutigineqarput.

**I:**

**Qaavamiit Sivinganikasiata / Tuiata tungaanut majuartarfiliornissamut siunnersuut**

TAA 06- 2019– Bentiaraq

2020-mut missingersuutinut majuartarfiliornissamut iluarsartuussinissamullu aningaasat 500.000 koruunit qinnutigineqarput.

**J:**

**Borgmesterip ujamissaa pillugu nalunaaqutsernegarnissaa pillugu siunnersuut**

TAA 13 -2018 aamma 09- 2019

- Josef P

Kommunalbestyrelsimut ilaasortanit siunnersuusiortoqanngilaq - taamaattorli 2020-mut missingersuutini kissaatinut 100.000 koruuninik qinnuteqartoqarpoq.

**K:**

**Oqaluffitoqqap eqqaani ikaartarfiup iluarsartuunnegarnissaanut siunnersuut.**

TAA 10-2019

-Henrik B

Illoqarfiup nuannersarnissaanut aningaasanik qinnuteqartoqarpoq, matumani ikaartarfitoqqap iluarsartuunnessaanut 2020-mut missingersuutini 500.000 koruunit qinnutigineqarput.

**L:**

**Borgmesterip ujamissaa pillugu siunnersuut**

Kommunalbestyrelsen 07/2017 - Benjamin Kielsen

2020-mut missingersuutinut 200 t. koruunit immikkoortinneqarnissaat kissaatigineqarpoq.

**Aalajangerneq: Tusaatissatut tiguneqarpoq. Kommunalbestyrelsimut ataavartumik paasisutissiisarnissaq siunertaralugu ingerlatsiviit siunnersuutit tiguneqartut nalunaarsorneqarne-  
rat kiisalu taakkua killiffii nangittumik suliarissavaat.**

**IMM. 12 – SUSASSAQARFINNUT IMMIKKUT ITTUNUT TUNNGATILLUGU AALAJAN-  
GERSIMASUNIK ILLERSUISUSSANIK / OQAASEQARTARTUSSANIK PILERSITSISO-  
QARNISSAA PILLUGU KOMMUNALBESTYRELSIMI ILAASORTAP HENRIK BRUMMER-  
STEDTIP SIUNNERSUUTAA.**

Kommunalbestyrelsimut ilaasortap Henrik Brummerstedtip siunnersuutigaa meeqqanut inu-  
usuttunullu, utoqqarnut kiisalu innarluutilinnut illersuisumik/oqaaseqartartussamik pilersitsisoqas-  
sasoq.

Siunnersuuteqartup siunnersuutini ima tunngavilersorpaa: issuaaneq aallartipooq "Nuna tamakker-  
lugu assigiingitsunut illersortinik peqarpugut, innuttaasut politikikkut suliaqartunut piumasaqaa-  
taat annertusiartuinnavinnikuupput, taamaattumik politikikkut sullissinermi, toqqaannartumillu

oqariartorfiusinnaasumik amigaateqartoqartarnerani, nalunaatsumik toqqaanissaq siunnersuutinni ilanngullugu siunnersuuteqarpunga, innuttaasut sinnerlugit politikikkut sullissinermi siuttuummata Borgmesteri, sinniisussaa siulleq, sinniisussaatalu aappaa tulleg.

Taakkua toqqaannartumik, kommunep allaffissornikkut sullissiviani, sullinneqarnissaminnut periarfissaqartitaanissaat qaninnerpaatut isigaara, nunalu tamakkerlugu pineqartunut illersortinut ataveqaatit inissisimanissaat tulluartaullunilu, aamma pineqartut pillugit aaqqissuussani kina peqataasussaansoq nalunaatsumik inuttalereerneqarsinnaaniassamat, akisussaaffik ersarisuussaaq." issuaaneq naavoq. Siunnersuutip tamakkiisumik oqaasertai ilanngussami atuarneqarsinnaapput.

Inatsisitigut tunngavigisaq: Kommunip piginnaatsitsinera

Aningaasaqarneq:

Pisortaanerit inassuteqaataa: Politikikkut oqaluuserineqassasoq.

APA 12/2019 aalajangiineq: Oqallisigineqarnissaa siunertaralugu kommunalbestyrelsimut ingerlateqqinneqassaaq, peqqutigalugu amerlanerussuteqartut Siumumeersut isumaqarmata siunnersuutigineqartut illersuisussanik pilersitsisoqartariaqanngitsoq, pissutigaluguttaaq ataatsimiititaliami siulittaasut tamanna atuuffigereermassuk. Kommunalbestyrelsimi oqaluuserineqannginnerani Isumaginninnermut Ataatsimiititaliami oqaluuserineqassaaq, tassangaaniit innersuussuteqartoqarnissaa siunertaralugu.

**Aalajangiineq: Siunnersuuteqartup Henrik Brummerstedtip siunnersuutini utertippaa, taamaallunilu immikkoortoq oqaluuserineqarani.**

### **IMM. 13 KOMMUNALBESTYRELSIMUT ILAASORTAP JOSEF PETERSENIP AAPPI-LATTUNI TIMERSORTARFILIORNISSAQ PILLUGU SIUNNERSUUTAA**

Kommunalbestyrelsimi ilaasortap Josef Petersenip sikkilertarfimmik, skateboardertarfimmik assigisaannillu pilersitsisoqarnissaa siunnersuutigaa.

Siunnersuuteqartoq imak tunngavilersuuteqarpoq: issuaaneq "Siusinnerusukkut siunnersuutigini-kuuara akuerineqarnikuugaluarlunilu sikkilertarfimmik illoqarfinni periarfissalinni pilersitsinissaq. Tamanna qinigaaffiit nikinneranni uninngatiinnarneqalermat piviusunngortinnissaa ujartoraluarpara. Unitsivinneqarsimappallu nutaamik siunnersuutigeqqippara sikkilertarfimmik sanasoqarsinnaanera. Tamatumani eqqarsaatigaara akisoorsuusariaqanngitsoq, Narsami sioqqat atugassat pigineqareerput Nuugaarmiuni aallertariaannaassaaq. Takorloorpara soorlu: Nuummi blok P peernerani sikkilertarfik pilersinneqarpoq piffissap sivikitsup ingerlanerani.

Ilanngullugu siunnersuutigerusuppara, løbehjulinit, rolleskøjtinit, skatebordinullu pinnguarfigineqarsinnaasumik pilersitsisoqarnissaa. Piffiit manissunngorlugit pladinik ninngusuunik ilusilersorneqarsinnaapput taamaallunilu timersuutip nutaap atorneqalersinnaanera periarfissiuunneqassaluni.

Tamakuumata aamma aqqusiniginnissamik noqqaasarnermi tunngavilersuutaasartut ilaat. Pilersitsinikkut taama ingerlatserusuttut perusutaat matussuserneqassagaluarmat aamma.

Inatsisitigut tunngavigisaq: Kommunip piginnaatsitsinera

Aningaasaqarneq: Erseqqissaatigineqanngilaq.

Pisortaanerit inassuteqaataat: Ajornanngippat 2020-mi missingersuutitut kissaatit ukiunilu missingersuusiortarfiusunut tulluarsarlugit ilanngunnissaat politikikkut oqaluuserineqassasoq.

ØPU 12/2019 aalajangiineq: Kommunalbestyrelsimut ingerlateqqinneqassasoq, matumani inasutigineqarluni suliaq ullumi immikkut sammisaqarfiusumi kissaatitut ilanngunneqassasoq missingersuutitut pingaarnersiukkanut ilanngunneqassasoq, soorlutaaq killiffik pillugu Kulturimut, Sunngiffimmut Pinaveersaartitsinermullu Ataatsimiititaliaq tusarniarneqassasoq, peqqutigalugu ataatsimiititaliap siusinnerusukkut siunnersuut oqaluuserisimammagu akueralugulu, soorlutaaq najukkami ataatsimiititaliat suleqatigineqarsinnaasut.

**Aalajangiineq: Suliniutit aalajangersimasut isumagineqarnissaat siunnersuummilu suliniutit piviusunngortinneqarnissaat siunertarlugu Kulturimut, Sunngiffimmut Pinaveersaartitsinermullu Ataatsimiititaliamut kiisalu Teknikkimut Ataatsimiititaliamut ingerlateqqinneqarput.**

#### **IMM. 14. 2020-MUT MISSINGERSUUTIT AAPPASSAANEERNEQARNERAT**

Politikkikkut ataatsimiititaliat missingersuutitilerileruttorput, 2020-imullu missingersuutini aningaasat atugassat akueralugit, ilanngussanilu ilanngaaseereerluni 13.434 t. koruuninik sinneqartortoqarnissaa takuneqarsinnaalluni.

2020-mut missingersuutit siullermeerneqarnerannut sanilliullugu ilanngaaseereerluni sinneqartoorutit 5.000 koruuninik qaffariaateqarput, tamanna pingaarnertut siumoortumik akileraarutininik akiliinerup qaffariaateqarneranik peqquteqarpoq.

Susassaqrarfiit tamarmik immikkut ilanngussisarnermi ilisarnaaserneqarput:

A = Ataatsimut B = Aningaasaqarnermut ataatsimiititaliaq C = Teknikkimut Avatangiisinullu Ataatsimiititaliaq D = Inuussutissarsiornermut Suliffeqarnermullu Ataatsimiititaliaq E = Isumagininnermut Ataatsimiititaliaq F = Atuarfeqarnermut, Meeqqeriveqarnermut Nutaaliornermullu ataatsimiititaliaq G = Kulturimut, Sunngiffimmut Pinaveersaartitsinermullu Ataatsimiititaliaq H = Nunaqarfiit aqutsisui / allattoqarfik

Inatsisit: Missingersuusiortarnermut naatsorsuusiortarnermullu inatsimmi § 20 aamma § 21

Aningaasaqarneq:

Pisortaanerit inassuteqaataat: Missingersuutit akuerineqarnissaat inassutigineqarpoq, kommunalbestyrelsillu ataatsimiinnissaani aalajangerneqassalluni kissaatit sorliit piviusunngortinneqassanersut, sinneqartoorullu qanoq annertutigissanersaq.

APA 12/82019 aalajangerneq: missingersuutitut siunnersuutit akuerineqarnissaat innersuussutigalugu kommunalbestyrelsimut ingerlateqqinneqassaaq, kommunalbestyrelsilu ullup immikkut sammisaqarfiup ingerlatinngitsiarnerani aningaasartuuteqarfiusinnaasut 22 mio. koruunit iluanni missingersuutini kissaatit pingaarnersiorneqassasut.



Aningaasaqarnermut Ataatsimiititaliamit kissaatit allattorsimaffianni nakorsarneqarsinnaanissamut sillimmasiineq tulleriaarinermi siullerpaangortinneqassaaq.

**Aalajangiineq: Akileraarutip procentia allannguuteqartinnagu 28 %-iutillugu attati-innarneqarnissaa amerlanerussuteqartut Siumumiit Atassummiillu akueraat, kontumillu pingaarnermut 5-imit (atuarfeqarnermut meeqqeriveqarnermullu tunngasuni) missingersuutini aningaasanit atugassanit 2 mio. koruunit utertinneqassasut, taamaaliornikkut 1 mio. koruunit konto 70-06-imut nuunneqassallutik, kiisali sillimmatinut ilanngunneqarnissaat siunertaralugu 1 mio. koruunit nuunneqassallutik. Missingersuutinut kissaatit 11.750 mio. koruunit (bilag I) akuersissutigineqarput, taakkunani sinneqartoorutit 14.250 mio. koruuniupput.**

**Inuit Ataqtigiit nalunaarutigaat 2020-immut missingersuutitut saqqummiunneqartunut taaseqataaniarnatik, isumaqaramik suli aaqqinneqanngitsut ingammik isumagin-nittoqarfimmuut tunngasut naammattumik paasissutissiissutigineqanngitsut.**

### **IMM. 15. 2020-IMI KOMMUNALBESTYRELSIP ATAATSIMIIFFISSAATUT SIUN- NERSUUTIT.**

2020-imi kommunalbestyrelsip ullunut ataatsimiiffissaanut siunnersuutit allaffimmit siunnersuutigineqarput:

- 19. februaari
- 20. maaji
- 23. septembari
- 25. novembari

Inatsisit tunngavigisat: Aqutsinermut inatsimmi § 8.

Aningaasaqarneq:

Pisortaanerit inassuteqaataat: Inassutigineqarpoq akuerineqassasoq.

**Aalajangiineq: Akuersissutigineqarpoq.**

### **Imm. 16 TAMALAAAT**

- KPI: Nanortalimmiittoq akiliisarnermut terminali ingerlavoq.
- JP: Siumut sinnerlugu kommunalbestyrelsimi ilaasortat amerlanertigut pitsaasumik suleqatigiittarnerminnut qujaffigai, immikkullu Atassut qujaffigaa akisussaaffimmik tigusillutik 2020-imut missingersuutit akuerineqarnissaanut taaseqataammata. Taamatuttaaq ukioq mannamut sulisut sulisimanerannut qujaffigai, tamaasalu juullisiorluarissaanik kissaallugit.
- SE: Kommunalbestyrelsimi ilaasortat sulisullu tamaasa suleqatiginerannut qujaffigai. 2020-mut missingersuutinut akuersillutik taaseqataannginnerminnut tunngavitsik ersarissarpaa, partiitut aalajangiussatik pisussaaffigalugit oqaatigaa.

Imaqarniliaq  
Kommunalbestyrelse – ileqquusumik ataatsimiinneq 05/2019

- KE: Sinniisutut ilaavoq, inuussutissarsiornerup siuarsarneqarnissaa taperserpaa. Isumaginnittoqarfimmut missingersuummut tunngatillugu Atassut isumaqarpoq annilaangassuteqarnissamut tunngavissaqanngitsoq. Kommunalbestyrelsimi ilaasortat sulisullu suleqatiginerannut tamaasa qujaffigai tamarmillu juullisiorluarnissaannik kissaallugit.
- HB: 2019-imi atuarfeqarnermut meeqqeriveqarnermullu ingerlatsiviup nutaamik pisortaqatigeeqalernera malugaa, taakku suliaasaqarfimmut piukkunnaateqarlutik aqutisimapput. 2020-imi partiit allat suleqatigineri nangissavaa, tamarmillu juullisiorluarnissaannik kissaapaa.
- AKK: 2020-mut missingersuutitut akuerseqataanermut ilaanini qujassutigaa, tassuunaatigit 2020-mi aalajaatsumik sulinisaaq tunngavilerneqarmat.
- KPI: Ataatsimiinnermut tamanut qujavoq, tamarmillu juullisiorluarnissaannik kissaallugit.

Ataatsimiinneq nal. 15:53 naammassineqarpoq.

Kiista P. Isaksen

Karla Egede Bisgaard

Annas K. Karulussen

Monica Dorph

Simon Simonsen

Benjamin Kielsen

Anders Olsen

Josef Petersen

Manasse Semsen

Kim Ezekiassen

Mouritz Karlsen

Naja Lund

Asmus Hansen

Henrik Brummerstedt

Stine Egede

# Penneo

Underskrifterne i dette dokument er juridisk bindende. Dokumentet er underskrevet via Penneo™ sikker digital underskrift. Underskrivernes identiteter er blevet registeret, og informationerne er listet herunder.

“Med min underskrift bekræfter jeg indholdet og alle datoer i dette dokument.”

## Annassi Ottórák Marius Kleist-Karolussen

Bestyrelsesmedlem

Serienummer: PID:9208-2002-2-671127427596

IP: 194.177.xxx.xxx

2019-12-03 15:11:48Z

NEM ID 

## Karl Aron Kristoffer Simon Simonsen

Bestyrelsesmedlem

Serienummer: PID:9208-2002-2-959198543860

IP: 128.0.xxx.xxx

2019-12-03 15:34:34Z

NEM ID 

## Monica Dorthea Dorph

Bestyrelsesmedlem

Serienummer: PID:9208-2002-2-496333635670

IP: 194.177.xxx.xxx

2019-12-03 16:03:21Z

NEM ID 

## Karla Mine Bisgaard

Bestyrelsesmedlem

Serienummer: PID:9208-2002-2-924929064147

IP: 194.177.xxx.xxx

2019-12-03 16:03:43Z

NEM ID 

## Benjamin Adolf Bjørn Kielsen

Bestyrelsesmedlem

Serienummer: PID:9208-2002-2-057165155547

IP: 178.170.xxx.xxx

2019-12-03 19:30:43Z

NEM ID 

## Kim Jonathan Jakob Ezekiasen

Bestyrelsesmedlem

Serienummer: PID:9208-2002-2-509358279753

IP: 194.177.xxx.xxx

2019-12-05 19:04:14Z

NEM ID 

## Daniel Manasse Peter David Semsén

Bestyrelsesmedlem

Serienummer: PID:9208-2002-2-046965185767

IP: 178.170.xxx.xxx

2019-12-08 02:06:58Z

NEM ID 

## Kista Mitdlaraq Isaksen

Bestyrelsesformand

Serienummer: PID:9208-2002-2-857479660189

IP: 128.0.xxx.xxx

2019-12-09 11:01:42Z

NEM ID 

Dette dokument er underskrevet digitalt via **Penneo.com**. Signeringsbeviserne i dokumentet er sikret og valideret ved anvendelse af den matematiske hashværdi af det originale dokument. Dokumentet er låst for ændringer og tidsstemplet med et certifikat fra en betroet tredjepart. Alle kryptografiske signeringsbeviser er indlejret i denne PDF, i tilfælde af de skal anvendes til validering i fremtiden.

### Sådan kan du sikre, at dokumentet er originalt

Dette dokument er beskyttet med et Adobe CDS certifikat. Når du åbner dokumentet

i Adobe Reader, kan du se, at dokumentet er certificeret af **Penneo e-signature service** <penneo@penneo.com>. Dette er din garanti for, at indholdet af dokumentet er uændret.

Du har mulighed for at efterprøve de kryptografiske signeringsbeviser indlejret i dokumentet ved at anvende Penneos validator på følgende websted: <https://penneo.com/validate>

# Penneo

Underskrifterne i dette dokument er juridisk bindende. Dokumentet er underskrevet via Penneo™ sikker digital underskrift. Underskrivernes identiteter er blevet registreret, og informationerne er listet herunder.

“Med min underskrift bekræfter jeg indholdet og alle datoer i dette dokument.”

**Anders Simon Olsen**

Bestyrelsesmedlem

Serienummer: PID:9208-2002-2-236248504676

IP: 194.177.xxx.xxx

2019-12-09 13:13:19Z

NEM ID 

**Stine Egede**

Bestyrelsesmedlem

Serienummer: PID:9208-2002-2-783790303142

IP: 178.170.xxx.xxx

2019-12-11 14:49:32Z

NEM ID 

**Josef Petersen**

Bestyrelsesmedlem

Afventer  
underskrift 

**Asmus Hansen**

Bestyrelsesmedlem

Afventer  
underskrift 

**Henrik Brummerstedt**

Bestyrelsesmedlem

Afventer  
underskrift 

**Mouritz Karlsen**

Bestyrelsesmedlem

Afventer  
underskrift 

**Naja Lund**

Bestyrelsesmedlem

Afventer  
underskrift 

Dette dokument er underskrevet digitalt via **Penneo.com**. Signeringsbeviserne i dokumentet er sikret og valideret ved anvendelse af den matematiske hashværdi af det originale dokument. Dokumentet er låst for ændringer og tidsstempelt med et certifikat fra en betroet tredjepart. Alle kryptografiske signeringsbeviser er indlejret i denne PDF, i tilfælde af de skal anvendes til validering i fremtiden.

#### Sådan kan du sikre, at dokumentet er originalt

Dette dokument er beskyttet med et Adobe CDS certifikat. Når du åbner dokumentet

i Adobe Reader, kan du se, at dokumentet er certificeret af **Penneo e-signature service** <[penneo@penneo.com](mailto:penneo@penneo.com)>. Dette er din garanti for, at indholdet af dokumentet er uændret.

Du har mulighed for at efterprøve de kryptografiske signeringsbeviser indlejret i dokumentet ved at anvende Penneos validator på følgende websted: <https://penneo.com/validate>